

李空同詩集卷二十九

北郡李夢陽獻吉撰

七言律詩七十一首

夏日繁臺院閣贈孫兵部兼懷大復子

獨馬孤城送客回，亂蟬高柳出銜杯。
晴天河嶽今開閣，戰地金元晚上臺。
才自籌邊期獻納，義猶傾蓋愧徘徊。
何休門客如君幾，北望天風萬里來。

送楊子還里

曾修書院盱江側，君去懷予試一游。
當日水山應更好，別來松桂幾經秋。
謝詩早向麻源覓，顏帖時從廟碣收。
此外何求惟有醉，背山合起望泉樓。

送張工副

空同集卷二十九

一

爲官秦邸君西去，因憶簡王相遇時。
池出異蓮要作賦，館開修竹坐傳卮。
龍旂寂寞還雲氣，鶴馭飄翩祇夢思。
寄問白頭強相國，醴筵吟筆似前隨。

夏行人齋太皇太后哀詔過此以病淹于郊館

僕爲作詩

野館春雲劇暮陰，病臣哀詔此經臨。
君親敢謂三江遠，涕淚懸知萬國心。
風砌獨花堪憤悶，雨檐雙燕足清吟。
遐陬每引前星望，賴爾兼程布此音。

城南新業期王子不至

新園本欲誇王史，竟日城南期不來。
即使屋荒還五柳

忍令春暮只孤臺對人芳藥翻翻出近日浮雲細細開
已囑寶頭封綠蟻明朝倘許盡餘杯

再期王左史不至

地散官拘此亦希草堂重約忍偏違元期芍藥枝枝賞
忽復葵榴片片飛諸客酒停時望旆孤城日落尙畱扉
人生樂事眞能幾野立蒼雲又白衣

繁臺次秦氏韻

一秋今到十賢堂萬事傷心歎渺茫草綠梁臺猶殿閣
花殘宋苑只宮牆天南星宿元朝斗崖北靈芝本向陽
未老息棲終傍此預愁人擬臥龍岡

送田生省母兄如晉

空同集卷二十九

二

匹馬遙衝落日微萬山何處是庭闈途紆沁上花應發
春盡并門雪尙飛臨柏乍開荆樹閣傍萱重著老萊衣
馮高試望風雲氣大駕新從此路歸

寄題孫氏茗溪草堂孫是時始有婚事

茗溪之菊何者正幾時自卜林塘幽已聞寬田足放鶴
曾否餘錢兼買舟狎人瀾鷓元成偶近檻芙蓉故並頭
塵世要畱風格在東南聊作醉鄉游

送毛監察還朝是時皇帝狩于楊河

楚生臨水送將歸黎子當筵賦式微天下汝爲眞御史
百年吾是舊漁磯沙寒白日蓬科轉風起黃河水葉稀
此去有書應歷上太平天子本垂衣

送李行人還朝

南使樓船漫北回，西巡車駕歛東來。星辰再逐千官入，
閭闔重臨萬國開。寒盡旌旗猶拂雪，春新環珮且沾梅。
虞絃定有薰風奏，佇望陽和徧九陔。

逢吉生汴上

汴上相逢俱白頭，秦中卻憶少時游。煙花樓閣春風日，
錦繡山河百二州。未論聽鶯穿細柳，實因走馬出長楸。
金尊邂逅今宵月，明發仍懸兩地愁。

郊園夏集別李沔陽

東門慣種邵平瓜，彭澤新成處士家。晨起忽嘶花外馬，
君來同泛柳邊槎。向人菡萏元隨檻，哺子鴉鵲各占沙。

空同集卷二十九

三

明發路岐愁，把袂秋風江漢有歸槎。

李沔陽飲後田鄭二子復集於斯莊，望見陂水驟落眾頗訝之。

五馬柴門夜已回，二豪尊酒旦重開。林乾烏雀羣應喜，
水落鳧鷖半不來。疏懶合收任氏釣，嘯歌真慕阮公臺。
亦知河朔非凡輩，逃暑無辭掌上杯。

早春酬張客見贈

周王祈雪罷，銜游楚客思。鄉迴獨愁不，雨風雲常嫋嫋。
入春江漢轉悠悠，穠花錦石添霜鬢。橫笛短簫悲綵舟，
岐路斷腸俱不減。予今搔首爲西州。

田居嘲荅李沔陽

郊園自枉君侯車，日日觸熱尋吾廬。柳長風多祇欲睡，
瓜成雨來仍用鋤。遠田陰陰立黃鵠，新波雙雙跳白魚。
卽令石水泥五斗，豈無五馬愁騎驢。

別熊御史出塞

今夕何夕春風微，把酒長歌春興違。嬌鶯乳燕黯不語，
嫩蕊柔條空自稀。都門車騎明朝發，關下行人三月歸。
北望湖沙青草盡，祁連山外斷鴻飛。

春望柬何舍人

城南春望春可憐，小苑高樓生暖煙。幾家芳草斷腸處，
無數落花吹笛邊。川原萋萋入暮雨，車馬駸駸矜少年。
欲向仙郎誇白雪，陽春久已絕人傳。

贈張舍

空同集卷二十九

四

孔門諸子接升堂，杜甫交游盡老蒼。萬里南歸望秋月，
一尊對別逢春陽。生兒當如李亞子，有父況作尙書郎。
肅肅雲鴻天路永，樊籬斥鷃莫空翔。

題環上人精舍

前月到寺萱草香，今月到寺葡萄長。潢潦盈盈旭日動，
樓閣灑灑高雲涼。出門每恨市城隔，浮世空嗟車馬忙。
圓月清秋期重訪，卽攀雷臥贊公房。

送膠州學職

廣文先生騎馬來，膠東膠西花欲開。鱣堂蕭蕭帶暮雨，
芹池殷殷鳴春雷。太山西望眞堪仰，洙泗東流竟不回。

寥落廟宮多古樹，屬君收取棟梁材。

送入還洛

十月朝天春始回，洛邦眞喜使君來。
柳條臨路若相待，梅花滿堂渾欲開。
雪晴幾過回鑾浦，日落時登承露臺。
九重他日求賢詔，不道今無賈傅才。

秋日飲王子之第

峇堯玉殿逐秋開，迤邐金風觸酒回。
賓客百年梁氏苑，河山雙鬢李仙杯。
露凋梧葉浮龍井，月引簫聲出鳳臺。
莫羨同舟流逆調，須知雅樂是眞才。

見素林公以詠懷六章見寄，觸事敘歌，輒成篇

什數亦如之，末首專贈林公。

空同集卷二十九

五

南伐經年駕北還，麗雲遲日藹燕關。
花明合殿春開扇，柳引千官曉復班。
新有越裳供雪雉，是年始貢者三國更聞飛將奪天山。
務農銷甲從今事，飽飯行歌興不慳。

香含鷄舌曾爲吏，日侍龍顏朝退時。
春色故搖三殿柳，曉風偏放萬年枝。
鏘鏘劍佩鵷行亂，裊裊旌旗鳳輦移。
迂謬一麾今廿載，半生心事白頭知。

青天萬仞削芙蓉，憶踏匡廬第一峯。
哀壑暮雲埋虎豹，大江春浪變魚龍。
天池御筆親畱碣，石室山僧獨叩鐘。
綵筆昔曾霄漢上，舊題應被紫苔封。

投簪萬里旋舟日，暫憩覃園傍峴西。
潭起漢娥畱佩賦，井傳王粲倚樓題。
林猿浦鴈心常往，楚雨襄雲路不迷。

縮項一槎眞欲釣，幾時重訪鹿門棲。
買園近闕三三徑，啟戶遙當六六峯。
敢向大河誇樂土，且將名嶽寄行蹤。
風林躍馬狐狸走，草澤回舟鴈鶩衝。
昨復潁陽開別業，傍軒新徙具茨松。
西伐親將龍虎軍，南歸甘卽鷺鷥羣。
謝安實費登山屐，司馬虛傳諭蜀文。
釣罷蘭溪宵上月，吟成壺嶺晝生雲。
何時勉爲蒼生起，悵望東南五色氛。

小至後寄甥嘉推官

隔縣經秋汝面難，好音爲郡舅心寬。
三河鴈起沙先暮，四海陽回雪尙寒。
萊竹召棠他日事，石渠金馬向來官。
公餘定有尋幽興，莫惜新篇寄我看。

空同集卷二十九

六

河上茅齋成呈家兄

愚弟罷官兄獨喜，卜築茅齋傍竹林。
開窗忽見萬里色，背水常留十畝陰。
春來燕子休相賀，日暮幽人且自吟。
庭下會栽棠棣樹，牀頭新製有虞琴。

雷別李田二秀才

五年梁苑栖遲穩，千里南州忽此行。
海內尙還憂盜賊，老夫何用拜簪纓。
音書陸續馮誰寄，盞酒雷連見我情。
惆悵暮天雲不盡，秋風相憶豫章城。

贈鄭羽士

怪爾零丁老鍊師，藏珍破屋鬢成絲。
坐看丹竈宵忘寢，行折園葵午療飢。
久雨水淹松樹死，塌牆人過廟門疑。

空傳薦福千金帖今世誰尋少保碑

送蘇文學往主三賢書院

邦侯敦禮聘才賢梁客乘秋詣汝川堂上久懸徐穉榻
門前俄報孝廉船雲山紫邏霜應峻風穴青松晚更妍
獨上高丘試回首紫陽白鹿自江煙

鄭生聞子種樹有成便冒雪攜酒來看鄭時有
江東之行

鄭繁騎驢雪故來无功行樹及春栽沾濡立愛新松色
冷凍回驚早杏開密片深當紅蕾集寒聲虛帶翠蕤回
思君蓑笠滄江上酒罷番愁去舸催

王績字无功

送蔡子赴省

空同集卷二十九

七

君從歷下游三輔暫就薇花避柏烏關內久懸馮異壁
河西早上伏羌圖茶官詭譎時侵馬餉吏奔趨日備胡
生養願今開氣象山河百二本皇都

鐘樓重別熊子

野寺荒臺饒客游江湖城郭暫消憂危檐獨趁翩翩燕
細浦雙行宛宛鷗人世舉杯俱勝迹風林長夏有清秋
情來不用重翹首西北浮雲是帝州

閻曹二子發京姪木與之同舟而下有詩紀之
子亦和此篇

共水同舟伴謫居海天春色靜涵虛蠻方故啟流官路
漢史終收痛哭書蜀徼山高常戴雪滇門池苦亦生魚

上林花樹年年在前席行看入禁廬

甥嘉謫官過汴儻舍而居以時炎熱

萬里嚴程此一州問親娛舅爾須畱遷入賓客休填戶
儻屋炎蒸幸有樓穿檻筍高猶足采戲池魚美更何求
館甥舊地花仍好得暇頻來看海榴

園莊餞蔡生還江東

來日麥苗歸麥黃炎郊攜手暮蒼蒼別筵車馬吾先醉
落日東南江自長橋燕岸花休促棹小堂新竹尚餘鶻
吳門汴市無千里應把并州作故鄉

寄贈司寇林公還山

徵書強逼上形闡退食長吟望翠微漢室本緣三策重
空同集卷二十九 八

都門真見二疏歸朝廷司寇元持法天下蒼生遽拂衣
趨陛履聲皇念切夢魂能復五雲飛

謝南陵折贈牡丹十頭咸樓子重辦

王花折送出朱門國色俄臨處土村堆積實增春照耀
傳看直至日黃昏先掄上萼圍詩卷已拚清香費酒尊
見說陳思才八斗洛陽真譜許同論

儀賓柳子以合懽芍藥見贈予自不識此花而

柳云種蒔數年惟今歲雙朵時柳病方愈

賓卿贈藥驚奇異共蒂分葩號合懽入手自摩雙萼歎
逢人恐當一花看並頭虛漫誇蕊單瓣還應壓牡丹
汝抱縣病今幸愈和中天遣助平安

夏日上方寺追念舊游寄平陽王守前御史

伏天樓閣同游地尊酒松林憶並攜
驄馬昨朝三極北
虎符俄剖萬山西
人間散合雷
高迹壁上風雲護
舊題
出守次公元入相汾川應與潁川齊

黃霸字次公

答杭雙溪渡河見寄

藩公赴鎮東來日野老扶筇北望時
貪墨似聞拋印綬
壺漿真見迓旌旗
豫州河嶽元中土
漢法封疆是重司
廿載別君今幸此柴門能倒故人卮

奉寄蓬菴相公

徵書北闕朝朝下不見東山起謝安
黃閣兩朝心自赤
蒼生四海淚曾乾
雲霄桃李猶門徑
歲月絲綸只釣竿

空同集卷二十九

九

舟楫願公長好在風江日夜有波瀾

東莊冬日別謝行人

冬圃朋游菊半蕪
風林互飲葉全鋪
往來物理須霜露
離合人情豈路途
乾絲冷紅難避眼
臍香餘馥故侵壺
相逢莫漫憐修竹
要識乾坤有碧梧

雙溪方伯夏初見過就飲石几畱詩次韻

孤城春氣轉溫風
石几閒門夏樹中
遇客便移杯酒玩
題詩今得故人同
猶驚鳥動花紛落
況值日斜尊不空
晚暮蒼茫萬里色
賴君長劔倚崆峒

同賦

曹嘉

舅家石几何玲瓏
瑤色金姿花樹叢
拂玩自成今日

會叩歌眞見古人風蒼煙野徑雙尊裏碧簾涼雲小
閣東獨喜館甥重有處百年吟臥此心同

三司諸公久有蓮池之約會雨阻不赴乃移兵
司東圃而飲爲詩以謝

西城宿雨天虛阻東圃微晴人竟游地闊儘容雲氣入
亭深能使樹香雷尊前俊傑齊三府林下迂疏自一丘
勳業太平公等在故將高榻動南州

東莊再贈杭子兼呈其兄澤西年友

東郊日白無風沙羣飲送客游琅琊到時定生韋淵草
有時同醉歐亭花我今五十半潦倒君日高貴元才華
過鄉爲問澤西子老吟何處饒煙霞

空同集卷二十九

十

乙酉除夕荅鄭生兄弟見贈之作

除夕天涯見客心連枝游子各悲吟徒將鬢雪疑青鏡
且把鄉梅託素琴海嶽催春潛弄色冰霜爭歲沍成陰
吾家舊綠浮浮嫩兄弟能來秉燭斟

東莊謝臬司諸公攜酒見過

白日餘紅亂撲衣郊亭無事坐花飛何緣五柳嘶驄馬
忽有羣公到竹扉過眼物華春自暮賞心朋輩老應稀
亦知不是談玄宅倘許頻來各醉歸

上方寺會監司諸公

梁園四月斗炎蒸眾飲松堂爽色凝天上樂聲僧梵接
掌中杯影塔雲層高情不使忙官奪野興常於勝地增

西海漸生歸路月上方無藉散花鐙

東莊藩司諸公見過

少年湖海老中原萬里誰期共一尊
邂逅路岐須盡醉向來離合敢重論
桑麻事業陶公徑鳥雀人情翟氏門
懶散廢書瓜可種夜來時雨足吾園

于公廟會王帥以其防秋北行

新晴借廟張金鼓舊約鋪筵集縉紳
氣早冷隨雲雨入地幽人與竹松
鄰時來拜命防秋將老去狂歌避世身
醉別贈君雙玉劍持將西北掃風塵

新秋宣威後堂會張鮑二帥晚過東園作

戟府臨秋氣自威林亭過雨日能輝
但邀文士揮彤管不願將軍試鐵衣
雲溼白花籬槿重風搖朱果石榴稀
彎弓欲看雙禽墮海闊天晴鴈不飛

酬聶監察淮上見寄

落木秋城動客哀風胡鴈帶沙回
夷門合是投簪地淮海須憑攬轡才
動業壯心頻覽鏡暮雲詩句幾登臺
太微實與羣星異已有光芒接上台

九日南陵送橙菊

朱門美菊采先芳玉圃新橙摘早霜
傳送滿盤眞鬪色分看隨手各矜香
深憐便合移尊酌暫貯應須得蟹嘗
獨醉秋堂臥風物一年晴雨任重陽

亭上限韻作

片雲黑日熱轉添忽有飛雨來纖纖任情玉杯但一弄
乘興彩毫時復拈角巾芒鞋客竟日燕舞花明風滿簾
垂頭人吏困自睡此地元非禮法嚴

送程生兼寄姑蘇五嶽黃山人

歷枝梅杏纍纍碧照眼櫻桃的的紅舟楫大江元晝夜
路岐初夏有西東淹留欲暮林間日行坐惟便竹下風
秋水一帆湖海上爲傳雙鯉到吳中

寄水南子

孤雲晝陰董益寺回風夕電南神岡林木颯颯起新色
茅堂微微生嫩涼高人北窗枕書臥有酒誰與開尊嘗
鬱蒸殘暑不須念雷雨時覩蒼龍翔

空同集卷二十九

主

夏都諫勸鄴潞之戰惠見憶之作寄荅四首

廿年不入紫宸朝白髮猶能伴野樵敢向驂驅爭道路
固知鵬鶚自雲霄狂歌見月時呼酒懶性臨風欲棄瓢
寄與昔游青鎖客嶺雲溪雪記同招

焚草常懷杜拾遺從容退食梧垣遲人當名世汝其輩
國有中興今固時衰年丘園合潦倒大業竹帛能畱垂
迢迢故人寸心在日日苦吟雙鬢知

侍臣斧鉞雲中下山寨冰霜戰後行穿腦乍攀黎賊路
石門重覽鄂王營中興崖石元雷頌成算朝廷敢論兵
試向絕巔看大海年來波爲聖人平

岩堯上黨接壺關杖鉞冬行歷萬山巖凍雪埋擒虎窟

壑腥雲嫋斫龍灣
嶮巖路透漁樵入
蒼蔚林清鳥雀還
爲問登高能賦者
霜毫幾埽白雲間

熊監察至自河西喜而有贈

當年五郡乘軺過
此日千城攬轡游
封事幾騰天北極
籌邊眞歷地西頭
崑崙壯壓胡塵斷
弱水清翻漢月流
若使巡行皆汝輩
遠夷那繫廟堂憂

贈甥嘉生日

三月廿日生汝辰
三十三回全盛春
流放一官今起詔
艱難萬里昨歸身
自從結髮朝明主
每向彈冠論古人
努力無令悲老大
鳳凰臺側有麒麟

哭王舍人昇

空同集卷二十九

三

金門鐘動會干官
野老騎驢戴鶡冠
走問常州王內舍
昨朝客死漢長安
悄然門巷實朋絕
迢遰家鄉行路難
即使過君終挂劍
肯令捫腹竟回鞍

哭亾友范副使淵其族孫進士永鑾寄其絕筆

詩到

憶在先朝侍聖顏
珮聲齊散紫宸班
傷心畫省分官地
並馬西湖舊看山
絕命祇傳詞爛漫
竄身誰述路間關
江門墓近湘流咽
拱木黃昏鳥雀還

有哀

漢陰丈人甘灌園
海上漁翁非避喧
零亂春鷗橫夕浦
萋迷煙草入秋原
祇將華髮悲人世
不使黃金怨子孫

思向桂山歌偃蹇月明天碧況聞猿

病甚與親友訣別遂爲絕筆

平生逸氣橫雲海一病侵冬歷夏秋小兒弄人古有此
君子知命今何憂親從江國迎醫返滿擬家園賦雪游
載酒爲君何日起東原松竹翠修修

空同集卷二十九

十四

李空同詩集卷二十九終

李空同詩集卷三十

北郡李夢陽獻吉撰

七言律詩六十七首

小至

連年至日多暄暖不似今年暖更饒脈脈水泉元自動
微微雲物向人遙卽防臘意傳梅蕊更遣風光媚柳條
便可抽身解簪組且謀春事件漁樵

八日

翠篠娟娟暖不遲含風雪壁迴多姿煙霞弄色不忍見
梅柳爭春能幾時返照高樓橫欲斂宿雲孤樹靜難移
自傷消渴淹朱紱不拜金花到玉墀

穀日

空同集卷三十

一

八日穀日俱不惡悠悠天意豈難明得時田畷休空喜
少雪螟蝗恐旋生陶令柳陰元傍宅邵平瓜地故依城
載歌行路思農隱未信青山亦世情

丁卯小至

一冬爲客負檐暄至日同雲客思繁迎氣柳梅渾欲動
再開桃李更何言飛沙霧竹催寒景落日鄉關切斷猿
獨上高臺眺雲物不堪清淚灑中原

戊辰生日

生還淹迹倚荒廬懶散經秋賦索居雙淚弟兄揮酒日
寸心關隴望鄉餘臘晴柳日輝輝動春偏河冰滾滾虛

三十七年吾底事彈歌不爲食無魚

臘日

夷梁臘日春意動物色生能誰能禁歸煙霏霏梢竹切
融雪細細生苔深腐儒奔走竟何事鄉土棲遲多苦心
便欲乘閒買越舸青春發興好南尋

九日繁臺二首

窮秋避地兼逢節曠野無山且上臺江漢鴈驚番北叫
太行河斷卻東來羈棲歎世深難醉病起思鄉老易催
閏月有期還發興菊花晚暮莫愁開
禹廟登高人盡回儒宮下馬盡殘杯奔陳孔甲元孤憤
去趙虞卿且未哀高葉下風還抱石片雲拖雨故臨臺

空同集卷三十

二

酒闌卻憶十年事半醉呼鷹向此來

己巳守歲

窮年豈辦椒花頌守歲眞貪竹葉杯天下風塵難卽料
夜中星斗直須回傷心蜀漢新戎馬觸目中原半草萊
飲罷空庭聊獨立五更春角動城哀

辛未元夕雪後

干戈西北塵雖靜寇盜東南檄尙飛歎世酒杯難自強
競時燈火況多違春偷草閣梅初放雪舞隄城柳乍歸
三白農人懼荷笠萬年天子願垂衣

初度懷玉山有感

年今四十身千里生日登臨寓此中憂國未收南望淚

思家猶阻北來鴻，寒冬白霧峯巒隱。車馬深山道路通，
學海久傷青鬢改。振衣真愧玉巖風。

盱江小至

建昌冬至謚王宮，劔珮趨朝禮半同。萬里龍顏貪想像，
十年霜鬢歎西東。臘偷江嶠梅先泄，春徧關河鴈已通。
雲物不遮鄉國目，麻姑今擬暫停聰。

九日衙齋對酒偶作

故鄉叢菊歎離居，客邸秋梅葉且舒。四海重陽三滯酒，
兩河歸鴈幾傳書。拂衣欲就淵明里，短髮猶驅孟博車。
意遠遲回聊復酌，浮雲北望佇踟蹰。

南康元夕

空同集卷三十

三

發春南地北同寒，旅宿張燈雪氣殘。三晉樓臺違夜月，
五湖鷗鷺伴風湍。眞防柳色侵梅色，莫道蟬冠勝鷓冠。
匣劔衝星愁易泄，倚筇還向斗牛看。

楚山九日太華君同登

登高此日吾惟汝，把酒他年憶菊時。酒劇江山聊自放，
菊深風雨爲誰遲。謾於孔樂傷王賦，莫遣將歸學宋悲。
轉眼干戈西北異，楚雲回首任支離。

登高以雨畱山寺

鐘鼓高城夜到山，醉畱眞愛石堂閒。傍龕鐙伴吟猿宿，
渡澗風吹急雨還。來笑菊花供老鬢，臥愁雲霧滿人寰。
朝晴更擬諸峯賞，萬仞丹梯合共攀。

乙亥元日東臺省何邊二使君邊病臥久
煙和日翠且重樓洵綺羅悲此州碧草可容漳浦臥
官梅眞憶廣陵游來鴻去燕催今昔柏葉薇花阻倡酬
興發春山能約往冰開仙楫擬乘流

乙亥元夕憶舊柬邊子臥病不會

憶昔金錢並卜懽稱心燈火獨長安鑪香欲散尚書省
環珮先歸太乙壇十載酒杯喧五夜九衢游馬閱千官
蓬飛轉合今同此月滿梁園卻自看

邊舊太常故
曰太乙壇

丙子冬至

奉天門下玉闌橋此日催班早侍朝占史奏雲懽萬國
太官傳宴散層霄苑梅迎律春先動宮柳臨風色欲搖
一出忽今驚十載百年勳業有漁樵

空同集卷三十

四

丙子生日荅田生

當時結客少年場走馬看花紫陌香三黜偶然齊柳惠
兩朝奚但有馮唐壽杯今夕余同醉獻賦開春爾一方
京國逢人問衰健爲言吾鬢已蒼蒼

除夕寫懷呈毛使君

晝日淒淒風色嚴晚登雲閣漫開簾山河不逐年華改
天地空悲老鬢添隨俗香鐙消獨夜近人星斗下虛檐
微吟暗憶乘驄使綵筆迎春幾自拈

元夕宴王孫第

向夕虛廊風自驚敞筵華月坐畱情琴樓合與衣冠客

燈榭遙聞歌吹聲吟劇晚梅聊索笑醉移寒竹互尋盟
九衢遮莫催車馬願倒王孫百寶清

丁丑除夕

明朝行年四十七默憶宦游年盛時帝京守歲朋輩集
除夜開堂酌酒隨綵筆迎春誰競長白頭懷舊獨含悲
乘陽莫謂渾無事冰泮黃河起釣絲

戊寅立春庭前桃樹二首

冬殘月閨豫看春暖氣晴陽應節新老大獨懷炙背獻
艱危竊慮轉蓬身下除飢鵲爭噉雪出穴微風特傍人
獨立桃叢憶桃日武陵今有泛花津

空同集卷三十

五

春日題春試彩毫高門傳菜玉盤高乍看旭日輝山檻
不分時風向砌桃虎豹雲移思霧雨魚龍冰動遲雷濤
物情且其天流轉人世誰曾免二毛

戊寅元日

閏臘逢元晷自長乍晴暄日趨年芳當階雪浥桃枝透
隔戶風傳竹氣香籠內乾坤吾獨放鏡中勲業鬢先蒼
北游春色隨龍輦生意何由卽萬方

小至喜康狀元弟河路過齋其兄書見示

侵曉書雲雲四生向昏濛雨散孤城敲門怪爾關西使
匹馬緣誰淮上行攀柳弄梅今日事望鄉懷友百年情
傳言且共陽回喜天意分明欲太平

九月七日夜集

此夜邀賓過草堂實因佳節重壺觴時侵叵柰鐙前菊
老去誰拋鏡裏霜草暗微寒催蟋蟀雲開片月下滄浪
明朝好趁登高伴木落天空望帝鄉

冬至前一日雪集

遠看風雪催長至旋具盤餐款近賓片片窺簾如避酒
霏霏點袂卻隨人臺寒預發書雲興梅動猶潛隔夜春
醉裏白頭堪北望陽回黃屋且西巡

己卯立春

律窮寒極有今日斗轉天回還此春雪擁竹根旋自溼
風來人面雲堪親曾游舟楫思南國未返旌旗望北辰
漫惜物華番覆盞幾揮生菜欲沾巾

庚辰元日

今日何日陰霏霏看之不見濡人衣層冰滿眼祇突兀
白日何處能光輝單于祭馬春欲動漢皇射蛟南未歸
傳道揚州好花月鳳簫應伴五雲飛

元夕

千年爛漫鼇山地少小看鐙忽二毛兵後忍聞新樂曲
月前真愧舊宮袍南州樓閣煙花起北極風雲嶂塞高
悵望碧天聊獨立夜闌車馬尚滔滔

立春前一日雪柬黃子

春前白雪紛紛至落地欲消還未消明日立春應五出
晚來微月尚爭飄梅花故傍袁安室柳色潛回鄭綰橋

聞道郢人能妙曲曲成吾品赤鸞簫

辛巳立春

冬晴轉覺冰霜厲日散俄還海嶽春綵勝恩光曾侍帝
榮盤風俗漫隨人雪融樓閣沾沾薄煙動松筠裊裊新
人壽幾何吾半百到脣杯酒莫辭頻

辛巳元日

倏忽吾生五十春兩朝遺佚太平身望鄉心逐關雲起
懷國情將汴柳新自信右軍非墨客王右軍五
十書始成誰言高
適是詩人適年五
十始詩南征昨報龍旗返佇想嵩呼動紫宸

辛巳生日

吾今五十頭半霜大兒已壯孫已長力田頗自識草木

空同集卷三十

七

出門每與憂豺狼風晴野冰白晶晶臘近山日寒蒼蒼
但能草澤射猛虎豈須熊館誇長楊

辛巳除夕遇立春

改元明日初開歷除夕今年暗入春天地漸分三極色
行藏已半百年身和煙浥浥梅應劇滴露蕭蕭竹未勻
喧歲不知宵遽曙北雲何處望楓宸

壬午元日

元年元日光華異青帝青陽左个開北斗不將天地轉
春風那使萬方回蛟龍窟宅寒猶閉鴻鴈雲霄暖自來
回首玉顏慚大藥許身元擬是仙胎

癸未除夕

連冰累雪欺年暮除歲嚴風放夜晴挂斗拖星猶凍色
撞鐘擊鼓已春聲喧城車馬朝元客戰野旌旗禦寇兵
人事物華應遂轉燭堂深坐獨含情

丙戌九日

百年佳節今風雨數日東籬已菊花老疾不緣吹帽短
溼枝何事向尊斜紛披九徑憐楊子潦倒三杯笑孟嘉
欲補登高望晴色晚來紅氣有雲霞

九日浦江王水亭共泛二首

長廬古陂城一偏樓臺波水秋相鮮紫萸黃菊有今日
翠管銀箏須此筵微風改席徐回纜落日留賓更進船
漫說龍山能落帽何如李郭共登仙

空同集卷三十

八

君王別館湖中央菊日浮游錦纜香貪把深杯向蘆葦
錯教橫吹驚鴛鴦車徒雜沓四岸合殿閣洞沿一水長
萬古有人還此地他年吾輩是重陽

憶西南陂九日之泛

一游水亭心自牽沙色湖風常眼前蕩搖每疑菊在把
出沒似有鷗隨船冥冥浦漵幾落日蒼蒼蒹葭時遠天
頻來此地亦可借恨無好詩酬紫煙

再約陂泛屬風雨阻

自游此陂秋每晴再約寧知風夜驚紛披已詫黃葦亂
吞吐能禁白浪生朝來霧雨細細動時有鴻鴈嘈嘈鳴
但問舟航今好在無愁天地無開明

九月晦日西南陂再泛二首

水國窮秋霽更寒，渚宮重宴菊猶殘。閒身欲住張融舸，短髮羞歌杜甫冠。日映樓臺天上過，風恬魚鳥鏡中看。綠池莫戀團圞竹，卽擬枚乘賦不難。

水上冬初多白雲，沙閒煙滿白鷗羣。經添雨雪湖非減，川盡蒹葭路轉分。當岸女牆晴倒出，傍船木葉醉偏聞。回頭恐觸蛟龍蟄，莫遣鳴笳徹暮曛。

辛巳九日田子要東陂之游雨弗克赴三首

今秋霖雨何連綿，佳日阻放東陂船。衰年實怯白頭浪，朋游忍負黃花天。城陰來往戲羣鷺，寺門縱橫鳴亂泉。閒看靜聽誰共汝，浙瀝晚暝松林煙。

空同集卷三十

九

昨來晴立寺南丘，城水湖雲向客流。夕陽欲低鐘磬閣，隔岸忽聞簫鼓舟。動輿帆檣眞爲節，阻人風雨故禁秋。當籬蕊菊披披豔，獨嗅孤吟迥自愁。衝泥杜甫吟愁雨，落帽參軍醉倚風。雲水無緣雙放舸，蒹葭何意獨鳴鴻。清沙錦纜相期地，白首黃花轉望中。借問臨高把杯酒，幾層湖閣坐秋空。

無事

無事日長春，但眠水昏野。暗風常顛繁葩亂，蕊眼欲盡乳燕嘯。鶯心自憐匣中幸，猶有雙劔杖頭奈。可無百錢人生幾，何忽已老激昂淚。下如流泉。

水館風林夏日宜野天晴色曠襟期舊馴麋鹿呦呦切
新集鳧鷖泛泛遲穿徑獨蜂猶覓蕊倚牆餘杏漫畱枝
蟬鳴鳥亂從渠暮把酒看雲是我時

霖雨洵湧城市簿筏而行我廬高堦尙苦崩塌
何況黃子住居湫隘詩以問之

前日頻雨無完牆今番如注誰禁當田廬城屋盡漂沒
驕雲驚霧還飛揚恆飢烏鴉只自噪滿意蒿藿如人長

辭宅頗怪晏嬰子卜居何必青泥坊

晏子宅近市湫隘景公徙之晏子不

從杜詩飯煮青泥坊底蕒

正月望日繁臺寺集

臘凍雲黃海岳愁春青日白快吾游陰坡氣觸娟娟雪

空同集卷三十

十

暖澤冰分細細流晨起探梅穿野寺晚來移席傍鐘樓
無端四望風煙起鐙火煌煌滿汴州

夏日余園

夏日深林喧乳鴉名園游客散平沙百年事業眞杯酒
四海朝廷正一家隊隊自來循檻蝶番番相學後春花
黃雲薄暮休驚眼白首吾生信有涯

田居喜雨

有田憂水復憂乾一雨農心得暫寬從此荷鋤添野事
向來垂釣省風湍臺林澤草俱回態急響微沾並作寒
薄暮斷虹收霹靂曠原西日倚筇看

秋遲月閨菊無花景短天昏日易斜山峻幾時殲虎豹
海枯他日見龍蛇行藏且付杯中物潦倒新添鏡裏華
盜賊關南今定否暮雲哀角起三巴

獨上

獨上高樓生夕煙帝畿東望轉淒然西山雨雪雷殘景
北海風塵接暮天只爲浮名傷遠道況逢寒日下長川
江梅岸柳年年發菊徑茅堂亦可憐

臺寺夏日

古臺高並鬱岩堯斷塔稜層鎖寂寥積雪洞門常慘慘
熱天松柏轉蕭蕭雲雷畫壁丹青壯神鬼虛堂世代遙
惆悵宋宮偏泯滅二靈哀怨不堪招

空同集卷三十

十一

于少保廟

朱仙遺廟已沾衣少保新宮淚復揮金匱山河丹券在
玉門天地翠華歸平城豈合畱高祖秦相何緣怨岳飛
最怪白頭梁父老哭栽松柏漸成圍

朱遷鎮

水廟飛沙白日陰古臺殘樹濁河深金牌痛哭班師地
鐵馬驅馳報主心入夜松杉雙鷺宿有時風雨一龍吟
經行墨客還詞賦南北淒涼自古今

春日謁三皇廟

爰從開闢無三聖蠢爾生民豈至今寂寞廟宮誰下馬
遲回天地獨沾襟縈階藥蔓還春色搖日叢蒼已暮陰

悵望龍髯心更苦白雲偏繫鼎湖心

吹臺春日古懷

廢苑迢迢入草萊百年懷古一登臺天雷李杜詩篇在
地歷金元戰陣來流水浸城隋柳盡行宮爲寺汴花開
白頭吟望黃鸝暮瓠子歌殘無限哀

自關西回展外舅大夫之墓用前韻

遙阡無計埽春萊絮酒何因到夜臺西客兩年和淚到
北風千里共愁來田園樹大身先葬書畫樓成畫不開
歿後外孫今五尺百年遺恨使人哀

狄梁公寧州有廟

狄相昔爲州刺史于今伏臘土人思向來伊水瞻遺墓

空同集卷三十

十一

此處羌民拜古祠鸚鵡夢中天地轉太行山上旆旌遲
稔知忠孝平生事更讀希文萬古碑

靈武臺

環縣城邊靈武臺肅宗曾此辟蒿萊二儀高下皇輿建
三極西南玉璽來衣白山人經國計朔方孤將出羣才
可憐一代風雲際不勸君王駕鶴回

冬日象山書院

草疏葉黃沙出溪日高南崦氣淒淒人叵故國還祠廟
世異陰崖尙品題烏雀石林迎旆散野狐風草怒人嗔
昔賢名迹誰堪此兩淚遙傷萬仞梯

象山書院同友

曉岸霜林出並驄冬晴丹壑自含風遺祠俎豆攀緣日
往事荆榛想像中半凍巖泉和雨斷實連山谷暗雲通
塞蘿更洗摩崖讀迥立徘徊落葉紅

排律六首

閏九月繁臺酬寄常鄧州前御史兄

昨屬傳書寬遠憶側爲聞郡解憂襟他鄉病起逢秋色
故國花香見客心三徑園莊常闌寂百年臺榭獨登臨
天晴水散荆襄急雲合山包汝鄧深州縣黃堂非爾輩
朝廷驄馬要人欽也知卓蓋能罷賦不換烏臺獬豸簪
盡道白公如白玉終然黃霸錫黃金徵卿拜相他年事
野老扶犁望傅霖

空同集卷三十

三

酬何子冬日懷西峯見寄

梁城積滯心煩焚遙憶西峯懷漢南絕頂營居只自住
綠崖捫葛與誰參北岡雪盛虛多阻南澗湍回今有潭
更極扶桑長影接已偏弱水碧波涵猿嘯虎嘯雖頓聒
窈曲叢篁非可探轉盼紅輪忽西沒勸君福地且投簪

道逢罷豹鷹狗進貢

赤豹黃羆貢上方虞羅致爾自何鄉微軀亦被雕籠縛
遠視猶聞寶絡香顯晦山林齊感激喧呼道路有輝光
名鷹側目思翻掣細犬搔毛欲奮揚隨侍近收擎鶻校
上林新起戲盧坊攫兔定蒙天一笑磔狐應使地難藏
貢官馳馬塵埋面驛吏遭箠淚滿眶南海亦曾收翡翠

西戎先已效羚羊白狼也產從遐域白雉猶勞獻越裳
聖德從來及禽獸欲將恩渥示要荒

送胡主事犒廣西軍便道耒陽迎母

七年重泛楚江舲五兩飄颻過洞庭蜀長卿元建節
平佗陸賈亦談經地從湘口分吳徼邑在衡陽對軫星
此去先過杜陵院與誰同上合江亭炎花瘴草供行目
搖唱夷歌引客聽鼯鼠晝嘯諸岡黑野猩睛語亂峯青
蠻荆本自勤周旅南越終當繫漢庭荔浦技窮甘釜盍
梧川兵接詫雷霆威餘虎豹藜難采血蹂鯨鯢水尙腥
俄喜御書頒內帑極知恩澤到重溟兔臨烏照誰非土
陰慘陽舒各有靈巢屋羽毛春拍拍洗天風雨晝冥冥
花明幕府頻張宴路出摩崖早續銘馬援還朝銷薏苡
馮驩傲世倚青萍蒼蒼百粵悲南狩渺渺三湘弔獨醒
夢渚鴈回書不滯武陵雲起思俱停悲傷蕙草追金勒
點綴桃花惜玉瓶若道朱絃無絕響詎應黃髮有遺刑
司徒邦計遙憐汝粉署鑪香不可局綵服便須隨綵鷁
白頭同離白蘋汀

七夕邊馬二憲使許過繁臺別業不成輒用七

字句述我志懷

懶游因病困蒙茸不獨炎天萬事慵七夕邀行齊踴躍
兩人羈絆阻迎逢大河平地濤長涌喬岳清秋霧不封
次第榮途俱懈身迂疏故國且芙蓉壯夫激烈悲遲暮

執友團圓喜去冬久避鳶肩優諫諍亟推經笥貫中庸
繁臺禹廟梁王榭古寺殘碑宋代松吾企杜高名不及
汝追枚馬涕何從虛疑豪俠輕朱亥實被文章誤蔡邕
憤起鐵椎心枉費曲終焦尾意還濃不爭期約辨牛女
恐使流傳笑駸蛩末俗但知張市虎異時誰切辨衣蜂
云吁世路聊三徑敢說天門尙九重寵豈盡軒衛國鶴
畫宜偏駭葉公龍菟園卜築鄰猿島茅屋昏晨節梵鐘
修竹鴈池雖慘慘水花雲葉固溶溶悔將朱紱拋漁艇
誓住丹丘學老農爲底回驄孤蟋蟀徒思臨沼共鱗鱗
踟躕莫畏風沙眯弔唁應愁輦路衝許過只須圖酌酹
有談毋遽及徽宗

空同集卷三十

五

五日蔡河廢津汎集

當年錦纜帝王州此日荒津競渡游賓客未銷梁苑氣
江山聊寫汨羅愁流金赤日偏輸浪似益輕雲故翼舟
魚聽歌鐘沈復躍燕窺舞袖去還畱調冰雪藕佳人並
斷艾分蒲上客酬出漚只疑天上轉湖洞眞在鏡中浮
陰陰暝色鳧鷖岸嫋嫋風香杜若洲醉裏驚聞催住漿
別船追進夕筵羞

李空同詩集卷三十一

北郡李夢陽獻吉撰

七言絕句一百三十八首

正德元年郊祀歌十首

戈馬喧喧動萬雷
黃旗繞繞拂仙臺
天上再開新日月
南郊不改舊蓬萊

漢家天子自天威
春祀南郊春雪圍
片片瓊花飄玉路
五雲偏逐袞龍飛

壇官秉笏候金鐘
月出西南照雪峯
不向蓬萊看五色
那知天子是真龍

中壇日月照天門
上帝龍行羽衛屯
煙裏桂花旋玉兔

空同集卷三十一

一

火開三足抱金盆

外壇羅列黃金榜
海嶽齊開白石門
直使衡山馳薊域
更看四海過崑崙

神來擊鼓復吹簧
一道虹飛萬丈光
閭闔清風搖玉燭
至尊獨立殿中央

帝是高皇八葉孫
隆準龍顏稱去聲

至尊翠羽繽紛來眾

聖洋洋古樂亂雲門

漢主登封巨迹空
楮山秦帝洞庭中
何如黍稷天神享
萬歲高高大極宮

天馬元從天上落
七星裝入寶刀頭
壇空月照更衣殿
萬錦羣中刷紫驪

金輿還內放人看萬戶千門震地懽繡扇徐開龍虎氣
君身不動泰山安

帝京篇十首

古時灞水卽蘆溝今代車書似水流日間五色龍文氣
天上春開五鳳樓

漁陽北塞古風沙二月春風萬柳斜
燕桃開出五陵花

慷慨燕雲十六州天門北極帝星頭
萬載朝宗四海流

山作青龍左右盤扶桑西影拂桑乾
天畱北海作長安

空同集卷三十一

二

天皇按劍拂金鞍飲馬追胡翰
不數劉家承露盤

胡后妝樓換上陽春風珠箔舞垂楊
至今迷失幾鴛鴦

今朝望海海雲生五色雲中白玉城
南北何如漢二京

塞上星飛化羽林鼓音咸作管簫音
玉女朱樓學鳳吟

高鼻胡奴入漢關卓旗千隊射鵬還
洗出中華疊翠山

自從黃帝破蚩尤涿鹿雲黃黑帝愁
盤石果然爲碣石

幽州常作帝王州

皇陵歌

皇陵疊翠倚丹霄
絳節飛光夜夜朝
千古長風吹海月
萬山松柏照空寥

傳聞駕回有紀二首

正德年
間作

正德傳聞大駕還
七日已度居庸關
饒歌擬續之回曲
塞外應添駐蹕山

白城新起望夷臺
黃鉞森森耀日開
六驪遠道胡沙靜
六龍騰踏駕空回

聖節間駕出塞二首

千官北首望龍旂
萬國車書集鳳闈
八駿穆王秋色遠
幾時親擁白狼歸

空同集卷三十一

三

萬乘時巡萬壽臨
鑾輿漠漠積沙深
非忝殿闕呼嵩日
應繫單于款塞心

正德七年正月黃河清自清河至於柳家浦九

十里清五日焉

黃河水自崑崙出萬古東流元不清
今瑞定於今帝應
世人休擬聖人生

嘉靖元年歌二首

元年正月又王春四海人稱小聖人
已報岐山鳴彩鳳
更傳關內出麒麟

大明十帝轉神明
天意分明賜太平
紫蓋復從嘉靖始

黃河先爲聖人清

先是正德七年九年黃河連清今上入繼大統之兆

送樂清少府二首

羽騎驂驪簇晚洲彭彭簫鼓引官舟爲言獨對青松樹
何似逢迎綠水頭

鴈蕩山前海色開樂清城在白雲隈紅桃碧柳津津勝
笑舞歡歌處處來

贈黃州牧

黃州江比使君清赤壁山留萬古名黃州小兒騎竹馬
來時相送去時迎

送友人

王孫笑向碧山樓春日春蘿裊裊低予亦悠悠芳桂者

空同集卷三十一

四

白雲愁色草萋萋

送周判官

明鏡綠酒五花裘客舍新秋螢火流問君不飲眞何事
明日出城風葉愁

送人入蜀

錦江風高生夕波蘆荻蕭蕭秋鴈多問爾鄉關何處是
巴人時唱下渝歌

詠東方朔贈馬吏部

據地酣歌金馬門如花少女笑無言不是偷桃太無那
人間那謫歲星魂

王吏部惠太玄戲贈

吾家小子象童烏蒙惠玄文掌上珠笑殺街西王吏部
今朝猶得酒船無

月夜過訪王子

率爾高陽飲博徒酣歌擊劍膽何麤金門貴客如相許
徑脫鷄裘付酒壚

僕思李白落鴈之游徐子亦有知章鑑湖之請
念人悲離申此短贈徐子者頑卿也

君擬天台度石梁我歸沙苑望咸陽予今夢寐蓮華岳
笑爾番耽瀑布長

嘲陸子二首 并序

松江陸子以予久不造過遂蒙嘲詠然陸子往

空同集卷三十一

五

許以小楷南征賦貶我久亦吝焉予故得反嘲
戲之兼訊後約焉

甚欲來餐張翰魚只緣難換會稽書西家愚夫莫浪謔
北海先生久索居

我今四海覓雲松南游笑指匡廬峯他時儻慕金光草
與爾同鞭赤玉龍

晚過序公戲贈并喜徐編修縉迹訪二首

月滿長安曉暮鴉踏歌今夜醉誰家青蓮大士迎予笑
背指秋鶯度落花

長安大道竹林西李白尋僧花下迷舉杯恰對青天月
檻外驚傳碧玉蹏

夏口夜泊別友人

黃鶴樓前日欲低，漢陽城樹亂烏啼。
孤舟夜泊東游客，恨殺長江不向西。

寄贈琪縣何氏夫婦

太峩西來通蜀門，瀘江北接武陵源。
翁姑壽比江山永，

縣北芙蓉似子孫。

芙蓉山名

謝子饋笏答以駝布

交州象簡白雪光，美人持贈意何長。
洮西駝布雖微細，被服能堪冷月霜。

送王呈貢赴縣

二月扁舟過浙西，楚雲何日度浯溪。
滇南小郭青山繞，

空同集卷三十一

六

花發流鶯一樣啼。

寄錢戶部

春城雞曉月欲沒，西鴈隳飛遲明發。
風裏楊花不定飛，震澤迢迢限吳越。

酬姚員外龍興見寄

龍興龍沙一里餘，江風吹落錦雙魚。
君覽浙潮須盡海，赤霞飛袂過匡廬。

贈丁生

海涼秋水淨芙蓉，青天倒懸五老峯。
眼見排風生羽翼，行空那辨有真龍。

別達生

醉約金山看海流興飛江漢忽西游龍沙月色年年滿
獨照匡廬萬仞秋

寄別陶生

青雲峯下紫雲生中有花樹香鳥鳴聽鳥看雲一杯酒
黃塵回首萬家城

別李生

華也南來送我行青絲挈酒玉壺輕滕王閣下江千尺
一曲滄浪萬古情

贈鮑激兄弟

水學青龍左右盤玉流雙瀉碧光寒蘭昆並占空山月
分掣虹霓作釣竿

空同集卷三十一

七

贈劉君按察雲南

碧雞金馬古黔陽滇海秋搖日月光自此蠻中無毒熱
行臺六月有飛霜

送蕭總制赴鎮

漢家新拜霍嫖姚司馬今年相宋朝旌旗一舉三邊靜
鴈塞平沙演射鵰

送修武知縣

青山盤谷繞桑麻赤水河陽接種花琴罷吏希簾晝捲
自看雙柏哺慈鴉

贈李沔陽二首

雲夢茫茫繞一州滔滔江漢古今流問俗不須乘五馬

畫船簫鼓水鄉游

楚人抽棘霸江湖萬載孤城剖一符從此沔陽爲渤海
直教雲夢作蓬壺

寄郭帥

匡廬彭蠡兩蒼蒼月館花城古豫章誰信罷兵張宴地
夜深偏醉郭汾陽

寄謝卿

擲笏南還尚黑頭移家西郭興全幽春晴定上滕王閣
日暮江平起白鷗

贈陳氏

萬龍岡上古靈家男樂耕耘女績麻客到大開萱草閣

空同集卷三十一

八

春風時動紫荆花

贈蔡帥

時清晝臥銅牙弩客散宵披玉檢文可道將軍渾是武
曾將三策獻明君

送王翰

王郎口談金虎文自稱師是紫陽君挂帆明日忽南去
影落龍江五色雲

贈羅氏

羅隱北下黃金臺牡丹芍藥次第開極目長江渺天際
八閩秋盡一帆回

送熊進士入朝三首

武帝南征並海回九天雲罕拂天來縹緲羣仙朝絳節
五雲宮闕是蓬萊

蒼蒼玄武鎮皇州天上銀河轉地流言君不是乘槎者
昨夜分明到斗牛

金馬岩堯接鳳臺石渠高閣倚天開仲舒早備天人策
漢主臨軒問自裁

二月望三翁林亭二首

今日花朝好風日梁園酒新花更開走覺南鄰三處士
月明騎馬醉深回

南鄰處士閉柴門竹樹春風野徑昏痛飲狂歌人不識
客來惟欲酒盈尊

空同集卷三十一

九

東鄭生二首

東園紅杏日紛紛東望無煙蝶滿雲少出違期因怯馬
獨吟停盞爲思君

城門春禁不行車病懼攀鞍只在家昨日東風來著意
庭前忽放數枝花

雨俟屠君不至

暮倚高樓因候客雨來如注復如絲試看春日洪州道
可是山陰夜雪時

寄顧台州二首

巾山何似峴山游雲島長和海色幽定有兒童笑山簡
君今孰與鄭台州

怪爾分符坐赤城東南遙見海霞生梅開莫寄西來使
春到煩求碧玉精

太白山人仙游吳越稔矣日者卜居吳興而婚
施氏妻妹予聞之輒詩嘲焉二首

范子無端出五湖西施並載有耶無詩人只合鶯鶯伴
施家今是大姨夫

見說仙人萼綠華

萼綠華晉昇平
中降羊權家

麻姑亦降蔡經家卽

防獅子河中吼背癢無言爪得爬

雲中曲送人十首

壯士驅車出漢關馬頭絲絡紫金環莽莽黃雲迷代北
淒淒白霧滿燕山

空同集卷三十一

十

季冬飲馬長城窟沙磧飛揚帶白骨榆臺嶺邊聞鬼嘯
猶是今年戰士卒

黑帽健兒黃貉裘匹馬追胡紫塞頭相逢不肯通名姓
但稱家住古雲州

城上黃旗張暮天元戎宅內鼓闐闐底是鄰悲并巷哭
雲州明日是新年

紫水東來入黑河紇干山下雪花多小兒攔街吹箏篋
婦人能唱海西歌

白登山寒低朔雲野馬黃羊各一羣冒頓曾圍漢天子
胡兒爲說李將軍

自從虜僞鷹門關漢家四野多空壘行子遙遙看獨戍

桑乾水冰暮沙起

黃毛愛子出打圍昏宿李陵古臺下忽傳風火入邊城
城中將軍夜秣馬

戰士黃鬢立道旁自言曾射左賢王可憐孤績無人論
贈與青裘白馬郎

北風吹日馬毛僵腰間角弓不可張逢君莫唱雲中曲
臘月雲中更斷腸

對菊懷鄰菊子三首

己巳年
閏月

舊種寒株傍吹臺重陽今歲不曾開遙思爛漫還憐汝
欲比馨香恐見猜

睡起今晨看菊花霜枝冷蕊忽參差非時未必輸桃李

空同集卷三十一

十一

三徑遙憐是一家

爾家堂閣皆鄰菊秋至滿地黃金錢不信南州能暑熱
直將花蕊破霜天

送吳生

吳子乘春東入吳飛花獻舞鳥提壺此去囑君多載酒
直收春色過西湖

東園贈鮑演

修竹南窗花北窗翠陰濃色兩無雙隔城走馬催銀燭
今夜雷君倒玉缸

春日東莊要杭子

白首春風獨種瓜故人常恨隔天涯今游莫憚驅行遠

十里柴門有杏花

東雙溪方伯

十旬不見雙溪子
白晝看松只自眠
君對紫薇誰是伴
相逢還似未逢前

送人之南郡三首

梁園千古見風流
醉上任樓復謝樓
相遇片言心便倒
腰間含笑解吳鉤

鼓刀朱亥本微寒
白首侯嬴是抱關
不爲千金增意氣
祇緣一諾重丘山

南陽帝里近親多
岡勢盤龍繞白河
便欲臨分雷寶劍
方城漢水待鳴珂

空同集卷三十一

主

陶子見過草亭遂以雷雲名之大書刻木我亭
增色爰賦二詩酬陶亦兼自意

小構茅亭傍一松
雲來雲去寂無蹤
晴天戶牖濛濛溼
遂使人疑有臥龍

茅亭自得陶公筆
盡日光芒動白虹
山澤不煩通地氣
片雲時起墨花中

春日冥豫齋王子之第二首

紫宮華宴徹春風
密樹初花日映紅
向暮酒闌香不斷
始知春在綺羅中

同廊曲榭稱春游
綠酒紅花白玉甌
借取游絲繫西日
晚風吾上海棠樓

要謝憲使南莊泛舟

柳塢荷塘野意寬
操舟曳杖獨游難
春來欲製東山屐
儻許花尊共謝安

江上逢鄭南溟

揚子灣頭紅蓼秋
水邊樓閣樹邊舟
一日長風破萬里
爲君三醉過瓜州

經行塞上二首

山作垣籬海作池
彎弓百萬羽林兒
桑乾化作銀河水
北極光茫夜夜垂

天設居庸百二關
祈年更隔萬重山
不知誰放呼延入
昨日楊河大戰還

空同集卷三十一

三

歸途覽詠古蹟并追記百泉游事八首

太行王屋是天關
吐出風雲天地間
河內休誇盤谷勝
其城亦有石門山

華山中斷濁河開
浪打雷門勢莫回
已剷潼關爲漢壘
更分仙掌作秦臺

雷首千峯錦削成
蛇盤千里翠雲生
卽從北岳分胡去
便壓遼陽跨海行

山西西望自堪愁
耐可源泉向北流
不見玉臺歌舞處
可憐昔日帝王州

昔日武王東閣師
龍爭虎鬪至今悲
漂血化爲商地水
白雲翻作孟津旗

淇門不減越江頭
衛女寧論越女游
濮上春花如錦繡
桑中五月採蓮舟

河濟誰言不共流
青春惡浪古懷州
蕩搖小室三花樹
倒映天壇白石樓

裊裊丹崖倒碧松
懸泉一道挂飛龍
閒磨石鏡驚山鳥
映出青天對雪峯

望上清山三首

赤城龍虎紫雲盤
白石樓臺北斗壇
聞道仙牀唬玉女
欲從何處問金丹

碧山新起赤霞宮
玉帶真人曉御風
金檢奏回天一笑
九霄來往鶴如虹

空同集卷三十一

西

星妃雲君雲霧鬟
何事塵游棲碧山
昨夜昇天朝北斗
珮環清響落人間

望鬪峯

曾會汪家賢弟兄
三年獨見忽心驚
順風斜日飛帆度
三十六峯無限情

杜峯歌

杜山曾有鳳來鳴
鳳舞山青海月明
傳道有人向峯去
九天風散玉簫聲

舟次石頭口

窗開面面水風微
五月江空冷照衣
此艇果如天上坐
茶煙化作彩雲飛

登嘯臺三首

陽翟看山二月回
蓬池登嘯九天開
晚立長風搖海色
東西日月照孤臺
萬古春城碧草還
蒼臺只在白雲間
竹林北望風煙動
寂寞蘇門更見山

白日紅雲拂地流
醉鄉吾亦步兵游
登臺左盼黃河轉
綠水洪波不盡愁

夏日閣宴

地曠樓雄夏日宜
碧梯芳樹繞花遲
清歌不用邀明月
一笑山河入酒卮

春日丘翁同游三山之陂返酌天王寺二首

空同集卷三十一

五

崔嵬艮嶽他年笑
寂寞三山後代思
湖色春光淨滿眼
古城風暮幾人悲
一樹穠花白雪繁
紛紛落地竟何言
眼底風光不須恨
相期且醉給孤園

太平寺

曾在東林思虎溪
太平徒在玉淵西
孰能筋力長攀陟
石壑長林日易低

山閣

憑闌橘樹渾鋪地
閣背青山前對樓
既來誰耐檐泉聒
卸卻長槽莫放流

麻姑泉

何泉下山城下流溪上十家九酒樓老夫縱醒欲何往
此物名高十二州

靈山

實欲看山霧不開幾層仙掌似蓮臺未應華岳君能比
可詫子因望國來

徐汭卽事四首

窰頭江水又江頭振柁拋綸雨不休瑣屑漫相誇捷手
蛟龍局淺豈渠游

桃花潭前雪弄姿楊柳灘頭柳不遲著心蝦蟆章江出
章江只解產鷓鴣

北船阻風晴未放數舸南來卻恁飛扶柁長年頻看眼
空同集卷三十一

六

浪翻江又趙家圍

忽吟水宿淹晨暮七日窰頭行路難拚弄碧波消北雪
豈期蒼鬢且南冠

湖行二首

湖南鷗懼交鷺鷥鳴榔漁子豢鷓鴣逢潭更見孤曾守
可道鄱魚無盡時

白雪今晨亂碧波禿鷺風趕逐天鵝搶帆額仄誰家舸
逆浪爭先爾謂何

城南塘汎舟二首

短短桃花亦自春隔牆飛水太驚人沿澗不怕漁郎入
小小溪塘不是津

野曠風驚強入舟
鱗浪蹙轉堪游
持杯只對雙楊樹
怪爾飛花汎汎流

春暮過洪園二首

我冠白首戀金魚
甲冑紅顏水竹居
牆上久懸平虜劔
牀頭新置種桃書

出林春筍故當門
榆莢楊花亂撲尊
客到翦蔬聊作饌
近城栽柳自成村

李空同集卷三十一

七

李空同詩集卷三十一終

李空同詩集卷三十二

北郡李夢陽獻吉撰

七言絕句一百四十首

白鼻騮

羽箭銀鞍白鼻騮
春日徐行踏落花
揚鞭突入章臺去
背指垂楊問酒家

少年行

漁陽突騎幽并兒
彎弓射獵南山陲
橫行未遂爲人下
意氣憑何結主知

春游曲二首

驪馬銀鞍金市頭
都門掣電落花流
揚鞭笑指胡姬肆
轉拂垂楊向玉樓

空同集卷三十二

一

大道紅樓珠箔垂
風起楊花欲暮時
胡姬半醉半遮面
惱殺幽州游冶兒

絕句

將軍鐵騎戰金微
八月長安盡擣衣
砧聲欲落三更月
翡翠樓頭鴈卻飛

壽歌二首

沙溪三月杜蘭香
錦浪千層碧玉光
勝日賓筵開玳瑁
檻花飛入萬年觴

門對黃山第幾峯
翩翩白鶴舞青松
玉童來授軒轅訣
素女邀乘赤色龍

松鶴壽歌

松裊石門千仞開天風吹鶴下瑤臺傳書爲問西王母
別後蟠桃熟幾回

夷門十月歌

小麥青青水半陂半落不落楊柳枝回風忽送天南鴈
恰似春江二月時

黃河風雪詞

渺渺黃河風雪生雲愁海思不堪行陽春白雪非難和
公無渡河無限情

異景

異鄉異景客中身秋雨秋煙無那春梁園八月如三月

空同集卷三十二

二

笑殺桃花更笑人

暮春余莊

暇卽來游因卽眠玉杯長醉彩雲前春風暮起楊花亂
疑是梁園雪裏天

潯陽歌

百尺高樓橫映江江花朵朵照成雙風波隔浦遙相喚
腸斷南來北去艤

汴中元夕五首

花燭沈沈動玉樓月明春女大隄游空中騎吹名王過
散落天聲滿汴州

玉館朱城柳陌斜宋京鐙月散煙花門外香車若流水

不知青鳥向誰家

中山孺子倚新妝鄭女燕姬擅場齊唱憲王春樂府
金梁橋外月如霜

四海煙花逢上元中州行樂競千門大江不辨魚龍戲
珊瑚寶玦是王孫

細雨春鐙夜色新酒樓花市不勝春和風欲動千門月
醉殺東西南北人

七夕

雲寂露涼叢蕙悲意銜情恨隔年期殘機夜歇金螢度
怨女嗁春玉箸垂

獄雨二首

空同集卷三十二

三

冷雨橫天八月來黑雲來往赤雲開潯陽李白何如此
宋玉悲秋未是哀

雨打潮門流海煙隨風散落鳳城前愚臣獨抱枯魚泣
何日金雞下九天

諸將八首

穆張亦是梟雄將膠柱談兵實可憐力屈殺身同一地
喪師辱國在今年

諸將才猷豈盡奇大都力戰各乘時黃毛近怕莊游擊
黑面休誇李太師

聞說當時掃地王威名朔漠陣堂堂自稱大將張旗鼓
首控驂騑出戰場

但富黃金與白珠登壇擁眾鎮邊隅即使勉攀貂玉貴
終然不類將門趨

國公承襲惟紈袴侯伯雖多大抵同舊典此中掄大將
平江英保是元戎

紫塞長城萬古悲塹山還復見今時臊奴祇益輕專制
老耄何堪銳出師

天下軍儲盡海頭材官郡國徧防秋若道成功無造偽
豈應屠賈坐封侯

黃河青海入狼煙漢將胡兵殺氣連安得卽時尋魏絳
務農休甲報皇天

憶昔六首

空同集卷三十二

四

已已蒙塵數郭登馳驅國難有楊弘如今豈乏熊羆輩
比較元非擊搏能

北望黃雲想翠華千官徒跣哭清笳安危社稷惟司馬
天下車書又一家

石亨善戰眞無比跋扈飛揚卻累身佩劍豈宜恩死士
拖金終要作誠臣

王弘犯關雖愚戇舍命臨危亦丈夫猶勝鬢眉爲婦女
更憐冠劍學兒徒

吉祥寵幸反稱兵一夜達官塵滿城悖逆天誅終不赦
此曹王法更須明

半夜飛章入鳳樓寇公流血李公憂爾曹作逆同蒿草

臣節江河萬古流

京師春日漫興五首

十日不出花盡開城南城北錦成堆
卽教閉戶從花盡
莫遣看花不醉回

杏花盈盈大逞姿桃花灼灼亦不遲
縱饒種露栽雲地
可柰風狂雨驟時

東門百花紅照天獨樹梨花更可憐
但看絃管朝朝急
不道春風不費錢

今番花開委難當眼見稀疏葉欲長
春光幾朝不一醉
爲問汝曹因底忙

西湖湖上楊柳枝臨流嫋娜風更吹
切防白雪漫天舞
空同集卷三十二 五

莫放黃金拂地垂

牡丹五首

亂絮繁華春更煙一枝嫋嫋獨風前
玉園忽漫無顏色
徐步看君卻自憐

若使姚黃無魏紫孰容傾國復傾城
接枝一任今人笑
不墜花王萬古名

莫道清平調獨狂牡丹元不與昭陽後
來亦是先花葉
誰醉君王玉笛筩

秦地洛陽俱寂寞圃開周國復天香
童時及見流傳譜
萬意千心足斷腸

漫山故國花無數客舍河頭今數株
絕代色孤終不掩

丹葩綠葉錦心須

郊園步花二首

常苦出城花不開
花開今日共風來
亦知誰便渠能主
獨步徐看數十回
即使憐花何恁苦
不如開落任風吹
花開花落從渠得
柰記栽桃種柳時

步庭中海棠下四首

買宅兼花事亦希
樹成春足主人歸
花開已詫臙脂透
葉展還驚翡翠圍

若較梨花憎太白
縱多桃李葉全無
何如翠袖紅妝倚
的的黃鬢錦瓣扶

空同集卷三十二

六

獨恨無香恐未真
紛紛蜂蝶底相親
俗傳定欲燒銀燭
絕代誰爲照睡人

沈香亭上已多懼
夢入昭陽月色寒
若使天香亦傾國
君王應更倚闌干

詠庭中千瓣榴花三首

藥闌爾後花希賞
日日東齋只困眠
每易庭榴樹底小
一朝開亦照高天
的的朱榴夏始成
水簾冰簟益分明
偏枝不動宜雛燕
接葉時披稱小鶯

萬瓣千鬢始一花
纍纍應只爲年華
春風無限傾城萼
結實誰真取世誇

雪中見枯樹似梅二首

憶在江南梅照眼幾年繁蕊失溪雲如何枯樹尋常見
一雪垂花朵朵分

可向繁枝問假真紛紛過眼卽飄塵東風一夜高樓送
亂落江梅誰柰春

喜雨三首

破到榴花今日雨向來紅紫可憐吟蝶沾蜂溼徒增忌
杏綠梅黃亦苦心

二麥臨河半欲黃一夜生長誰禁當揮鋤荷笠能辭苦
浪潑雲翻慮爾忙

水缺沙乾燕只忙交交鶯羽閃無光今辰底恁穿楊急
拍拍銜泥向我堂

空同集卷三十二

七

夷門曲二首

黃河岸頭多客船大隄小隄楊柳煙獨樹花開特造次
鄰家香醪不索錢

南隄二月杏花紅北隄高樓紅映空珊瑚寶玦誰家子
繫馬門前青樹中

新水至二首

桃花照水楊柳長河水新添一尺強昨夜舳舻銜尾至
不是魚航是酒航

時和驛邊河水流康王城近舍西頭青蘋兩眼汀洲裏
芳草連天無那愁

狂風三首

狂風吹柳裊裊長杏花落如白霜後來好花開細細
昨朝風惡更難當

來禽青李不須猜一日一夜桃花開朝來春風休更惡
枝頭綠葉暗相催

新築茅齋近北堂喜有楊柳千尺長不爭一朝風折盡
赤日炎天何處涼

河上

河上昨宵風勢惡狂花不敢更高飛農夫日望甘霖至
估客深愁逆浪歸

雜詠

空同集卷三十二

八

春盡梁園花不稀隨風片片坐人衣丁寧百舌渾休語
遮莫林鶯且自飛

觀小兒吟詩戲作絕句

關中韋杜世稱豪王謝江東底更高蘭若翡翠空啾啾
肅肅雲鴻萬里毛

東園花樹下二首

夜來睡美春風顛朝望大梁花滿煙錢家東園好李樹
堪可鋪排無酒錢

今年春色太無賴千樹萬樹花分明便學少年出走馬
更拋香彈打流鶯

登臺

梁孝臺前白杏花眼看風落散晴沙黃鸝恰恰誰爲侶
紫燕飛飛自作家

聞桃花盛開

不及東園紅杏時梨花懊惱太開遲卽防桃李紅欺眼
更打黃蜂莫近枝

張池春日卽事

東門野塘花樹紅昨日不風今日風倒著接羅習池上
狂調生馬竹林中

漫興二首

白水蒼山萬里身詠花吟鳥百年人城門此路憐芳草
盞酒他鄉不是春

空同集卷三十二

九

楊柳春江對自流清沙白石伴誰游弋人莫羨能鳴鴈
海叟虛疑不動鷗

錢園二絕句

去年錢園萬李樹落莫今春只數枝多應斬伐貧人賣
豈復能思爛漫時

牆東李樹太含胡院背天桃斬不枯及早榮枯休浪擬
趁時車馬自應趨

城南別業

傍塹沿隄二里餘柳牆茅屋此成居浣花便擬吾何忝
獨愧窮愁懶著書

春日豫章雜詩十首

東角樓東寒食日吾家海棠雙樹花忽憶花開吾在此
豫章寒食獨思家

亂蕊濃花今有無舊趨北闕憶西湖垂楊畫鷁金鞍戲
三月煙花滿上都
每愛高樓畏獨來非關筋力怕徘徊江頭無限桃花樹
恰到來時滿眼開
江花照水兩三枝弄日吞煙是雨時不應春風與作意
挂斷低空百尺絲
東湖鷓鴣有幾歲踏浪爭花何恁游可憐汝輩異情性
拄杖獨看春岸頭

空同集卷三十二

十

落水沾塵會有時

江南春事殊懊惱五雨十風常不晴今日天開聊一望
卻憎花柳太分明

江北每噴花不早清明出郭始芳菲可道江西渾不冷
清明桃杏亦初飛
樹頭春鳥苦喧聒欲打還畱催好春院裏八哥何事者
羣翔緩步不知人
苦吟實是被花惱今日攜壺何處傾鳳凰洲前好楊柳
弄日鳴舷遮莫行

漫興二首

城外清江城內湖水門通貫古名都魚跳浪闊終難網

鳥立沙長豈得呼
久雨今晴燕得飛城中江畔步徐歸煙花晚閣偏衝檻
柳絮晴橋故點衣

漁父

應手扁舟去若飛回流撒網條成圍金鱗翠鬣心俱切
得意誰先蕩槳歸

新買東莊賓友攜酒往看十絕句

芳園垂老慚爲主門巷開除卽是家不知櫻樹春能早
更把櫻花作杏花
園芳細認紛無數大半朱英閒碧林拳蕊弄枝惟恨晚
對花誰記種花心

空同集卷三十二

十二

年來好事推劉四酒興花情老獨濃最喜能移山茉莉
所嗟猶欠木芙蓉

黃鸝故囀千頭柳白蝶能穿百結花敢道牆榆渾不用
新巢樹樹可慈鴉

今春自買城東園暇卽郊行不憚煩不應對客誇林竹
日日柴門有駐軒

買地兼園已自饒來游況是百花朝細看卻怪林閒筍
迸檻穿籬只恁驕

靜處亭亭竹萬竿弄煙濡露不曾寒多栽要識前人意
秀色憑渠雪後看

鮑子知我遠載酒鄭生騎驢獨踏春灞上孰如彭澤柳

竹林休認草玄人

邊村黃子先曾約百畝十年今卜鄰元是隱淪須共酒
非因花樹始同春

爲花底恁朝朝出風日清和今古稀傳道鄭生重載酒
寄言花蕊莫輕飛

東園遣興再賦十絕句

經宿隔城花盡開園扉深閉蝶應猜小車卽病行能穩
一日來看須一回

朝出看花車暮回轅西東望復徘徊黃昏蜂蝶休虛鬧
明日深枝花更開

萬蕊千葩枉自奇海棠臨牖獨專姿今人盡仗繁枝葉

空同集卷三十二

七

國色紛紛卻未知

百花叢裏一茅堂獨坐時傳百和香隔簾誰放游蜂入
撲酒衝琴特恁狂

分行種樹非無意雜穢薶煩亦用情何事草蒿欺便得
芊芊滿地不知名

舊種丁香閒石榴花時榴葉未曾抽試看赤豔傾陽日
亂萼繁英何處求

護徑扁園意自知百年今日是花期昨屬客過貪勸酒
僮人背折兩三枝

呼童刈草栽吾菊夾徑分行補種葵怕認野人爲魯相
旋刪修竹起東籬

人生無求心自寬酒香花明身幸安
念憂豈肯憑萱草
調忿何勞問合懽

吾園亦在東門外昨日清明手種瓜
不信邵平能五色
吾園兼有武陵花

痔不可車旬日乃造於東園春葩向殘夏英欲
起慨焉動於老懷再賦絕句十首

鮑歸昨誇百結勝惜我病阻孤春妍豈謂今開兩荆樹
分枝的的照紅煙

桃杏葉尖荷葉圓楊花亂撲白如絲
若言春事渾無曲
榆莢綠何亦貫錢

昨當春色散年芳競媚爭妍各擅場
一出牡丹諸便歇

空同集卷三十二

固知渠是百花王
檻西新筍不太甚
一夜迸階橫我檐
汝雖天生剛直物

豈容出地頭頭尖
吾園種種無膠木
兩葛縈紆底自芳
客到更無愁醉酒

醉時但臥此花菊
情間有時被物惱
卽無恚怒亦生嗔
頻來語燕如疑主

獨立鳴鳩不怕人
爲園偏種閒花草
我欲移松無處栽
深山瑟瑟誰知汝

可惜凌雲聳壑材
亦知盆沼非源水
試放魚苗喜卽成
敢說寸鱗無變化

煦花吹絮已橫行

花時酒客圍花坐今日紅稀客不看即使盛衰遵物理
何須反覆似波瀾

萬竿美竹修修翠愛此朝朝坐竹中困酒實應慚阮老
揮絃聊竊比嵇公

不歸天東園漫興之作

大麥初黃小麥齊櫻桃半熟壓枝低先生阜帽何爲者
白首看花日每西

客有欲除我東園草者詩以止之

綠匝紅稀可柰春友車朋馬故應頻行邊莫便鋤閒草
但入林園仗主人

牡丹絕句二首

空同集卷三十二

十四

自知國色無倫比放徧羣花每後開獨豔不教霜雪妬
先春甘讓凍園梅

看盡羣芳見此花後時莫漫爲渠嗟爭開若使先桃李
誰與春風殿歲華

葡萄

萬里西風過鴈時綠雲玄玉影參差酒醒試取冰丸嚼
不說天南有荔支

除前五更聞習儀鼓角感而有作二首

蒼龍闕動朝元日玉筍班齊舞蹈時枕上忽聞新鼓角
眼中如閃舊旌旗

兩朝舊是含香吏豹隱俄驚二十年猶記習儀端笏地

朝天宮裏聽鳴鞭

景帝陵集古句凡五首

北極朝廷終不改崩年亦在永安宮雲車一去無消息
古木回巖樓閣風

望湖亭

與客攜壺上翠微千家山郭靜朝暉平沙渺渺來人遠
黃鳥時兼白鳥飛

功德寺

憶昔霓旌下南苑江亭晚色淨年芳重門深鎖無人到
僧在翠微開竹房

翠華巖

空同集卷三十二

五

曉行不厭湖上山別有天地非人間安得移家此中老
白雲常在水潺湲

香山

二月已破三月來山下碧桃春自開半醒半醉游三日
並馬今朝未擬回

白紵曲

吳中女兒白紵衣薄暮橫塘蕩漿歸荷花港裏無人見
驚起鷓鴣隊隊飛

秋風曲

嫋嫋秋風生淥波菱角鷄頭滿御河藻間游魚不知數
荷上靈龜渾未多

新立金川書院祠練公父子文碑幸成

力修書院緣棲主碑石新成頗慰心薄劣實慚文太減
特書應不待如今

宴豫齋翁第次韻

面面危樓對曲臺
枝花樹向樓開
主人不有生生意
隙地寧容長綠萊

端午曲二首

殿門朝涼虛穀垂
菖蒲艾葉青離離
千尺輓轡轉金井
冰盤薦黍鴛鴦冷

綵繩纍纍作端午
石青蜥蜴泥金虎
老奴催恩拜紈扇
香紗籠頭半遮面

空同集卷三十二

六

與歐寧谷君綠萊

面面危樓對曲臺
枝花樹向樓開
主人不有生生意
隙地寧容長綠萊

與書惠不書眼今

李空同詩集卷三十二終
蘇公父子文碑幸成

李空同詩集卷三十三

北郡李夢陽獻吉撰

六言十首

漫興六首

北叟臨門種棘南翁過路鉤衣楚楚織鱗水躍英英鷺
翻雲飛

鸚鵡窺籠百徧獼猴上樹千回紫燕銜泥入室黃麋齧
草登臺

海西崑丘閭苑仙人王子安期春至蟠桃豔豔秋來弱
水瀟瀟

黃帝清游化國虞皇穆拱玄宮殷主爰消雉雉文王載
空同集卷三十三

夢非熊
種豆南山一頃朝來豐草離離豈若藍田種玉何如商

嶺餐芝
圃口翻翻瓠葉門前滴滴流湍鳧鷺輕輕不下鴝鴻冉

冉高搏
月夜泛湖二首

水天上一色棹鳴波月同翻漁舟歛乃何處旁山杏
冥吐吞

月鷺驚飛不見遙看片帆影來雙槳如飛蕩去一道流
光鏡開

明山草亭

舊業門前五柳綠
橘黃柑數畝
煙霞不負閒身社稷空
餘白首看月天柱峯頭採藥
洞庭湖口扁舟薄暮歸來
疑是滄波釣叟

南康除夕

夕陽山色湖波將
春夜寂風和何事鄰姬獨哭
誰家金鼓時過客舍蕭蕭
酒燭歸人杳杳關河覽鏡
顏容尙在方言兒女能歌

五言絕句一百四十八首

神京樂四首

薊谷襟東海居庸鎖北門
王者本無外天險壯乾坤
天回金氣合星順玉衡平
雲生翡翠殿日麗鳳凰城

空同集卷三十三

二

鐘鳴長樂館樂奏未央宮
壽域皇圖迴鉤陳紫極通
衛霍干城舊伊夔鼎鬲新
萬年天子壽四海一家春

望南城

南內夕煙斂玉樓春望空
禁籞年年鎖園禽巢殿中

晚出禁闈二首

楊柳南城道芙蓉小苑通
內使來調馬君王敕射熊
夾城雲氣夕露掌隱金盤
楊花白雪亂風起滿長安

東華門偶述

銀甕爛生光盤龍繡袂香
但知從內出不省賜何王

采蓮曲

白鷺青天映紅妝綠水遙
笑語荷花裏爭蕩木蘭橈

大隄曲

臘月大隄邊春風思宛然楊枝搖白日煙花裊金鞭

豔曲二首

盈盈綺闥女生長不知春開窗見百結背面掩羅巾
父母愛少女女是聰明子生不識鴛鴦繡出鴛鴦是

春曲二首

春風度山閣凭軒望江路簾動時有香不見花開處
翩翩誰家燕銜泥向何所避人花叢裏忽復梁間語

楊白花二首

三月大路旁綠楊弄芳春可憐雪白花來往送行人
寧唱采菱曲休歌楊白花菱生猶有蒂花去落誰家

空同集卷三十三

三

相和歌

美人羅帶長風吹不到地低頭采玉簪頭上玉簪墜

月夜吟

月出東方高刺刺燈下語漂搖林中籟浙浙如寒雨

九月見花

長安桃李樹秋晚復花枝九陌寒煙裏無風自落時

聞笛

白日挂雲間誰家玉笛聞北風吹楊柳落葉滿關山

曙

城雲白欲曙沙月上猶殘獨步憐紅葉空庭玉露團

望浦煙

客愁何處落滌滌冬浦煙日出浦煙歇客愁還復然

九日京中

白鴈獨橫秋黃花伴醉游眼看風物換愁殺仲宣樓

五月見鴈

憶昨辭京邑相隨南鴈歸如何早春日獨見北鴻飛

出郭

出郭攜尊屢尋園步屐遲莫言春事晚猶是百花時

野望

夕靜山容斂秋凝野色淒白雲留絕巘蒼霧隔前溪

晚出大隄姪葉來迂

裊裊綠楊西雙翻碧玉蹠何由識小阮爲聽紫騮嘶

空同集卷三十三

四

石頭口竹飲

白日竹林中隤然脫巾醉風吹亂葉響醒看江日墜

南康元日

此日故鄉酒應憐千里違是處萋萋草王孫歸不歸

龍沙晚行

晚風度疏松琳瑯動仙闕回波滾明沙錯認地上月

聞夜笛

五月梅花落羈魂羌笛驚孰能風月夜更聽隴頭清

龍沙見新月

每訝沙如月龍蟠作後山如何今夜月卻又學沙彎

村夜三首

萬物既有息我亦中林臥雲開迴水白地閃飛星過
清林不知暑一覺羣鷄鳴野曠氣森颯天空夜虛明
霞明鳥聲起行人語中路微微林下風泫泫花上露

晚燒吟

早燒不出門晚燒行千里達人貴知時天道有終始

黃河冰二首

黃河一夜冰日光慘不發安得萬里鞭白馬弄晴雪
夜冰白莽莽風來但飛沙梁園一夜雪枯樹皆梅花

宿蘇門

朝發陽武城暮宿蘇門里臥聽青山鐘遙在白雲裏

是夜雨

空同集卷三十三

五

北風吹山雲不見山上月蘇門一夜雨千峯盡成雪

泉上獨酌二首

湧金亭畔路細雨不思回獨酌看流水山花映酒杯
白石誰家瀨輕鷗二月湍踏歌逢衛女風景似長干

黃州二首

浩浩長江水黃州那箇邊岸回山一轉船到堞樓前
日落清江遠光搖赤壁山無人說吳魏來往釣舟閒

鄱陽歌

漢水亦太急江渾只恁流何如彭蠡澤清瑩解人愁

雙泉寺題壁二首

寺僻無人行夜雨長秋草山僧出迎客落葉不曾掃

我昔寺中游題詩在東壁三年不見僧見之頭半白

登山樓書院

書院今人蹟繁臺古代名樓花番入燕塔樹不巢鶯

白塔寺

遙訪青蓮宇相將白塔原春風亦自動爭柰碧莎繁

上方寺

飲罷塔廊坐塔深羅葉垂欲枕石頭臥待有清風吹

釣臺

終日釣石坐清波閒我鉤擲竿望山月回見眾魚游

白鹿洞

白鹿昔成羣鹿去誰復來樵子暮行下洞中雲自開

聖澤泉

空同集卷三十三

六

嘈嘈鳴山泉日日噴悲壑日照一匹練空中萬珠落

枕流橋

峽急豈有心臨橋石相激慕驚橋上聽夕陽人獨立

風雲石

倚崖坐孤石北對五老峯中有千尺虹挂斷巖上松

門前溪

山溪信清淺入海作洪波果向地中轉應隨天上河

回流山

登山眺四極一坐日每夕行看夜來徑苔上有鹿迹

井

新穿崖下井微霞映深靜松風時來拂娜娜匡岳影

開先寺五首

瀑峽生煙暝山杯坐不歸籠鐙過潭水疑有玉龍飛
潭色何所似黛玉空人心可道清見底龍蟠不在深
瀑布半天上飛響落人間莫言此潭小搖動匡廬山
垂垂千仞瀑隨風下山去吹作半天雨飄散不知處
飛瀑湧寒峽流雲靜幽壑夕日倒峯影杯中雙劍落

宿開先寺

僧閣暮鐘靜夏涼風色幽月出照瀑布猿嘯西澗流

歸宗寺王右軍故居

夕日照何寺夏雷喧此峯惆悵昔人去空餘山澗松

吳溪

空同集卷三十三

七

三年作楚客五月度吳溪日射桃花嶺松陰鷓鴣嘯

望龜峯

龜峯歸遇雨徹夜鳴不歇起望昨游處惟見滿山雪

江行雜詩七首

十八灘都盡舟人慣不勞可言灘石險難測是平濤
仄疊中江石衝濤萬古存遙看疑砥柱偶問識銅盆
日月東西照支江南北流鷺飛如導鷓橫吹不驚鷗
迎送山相似舟移迷北南回看阜口日已照石華潭
錫洲潭古怪攸鎮驛幽絕四圍青山映鷺棲滿林雪
日出青蘋溼江渾路不分昨宵驅雨至知是海南雲

落日沒前灘雲移鳥欲還除巾不卽臥恐遇絕奇山

新莊漫興四首

昨來杏花紅今來棟花赤一花復一花坐見歲年易
出城每自醉斜陽坐芳草黃鸝枝上鳴花落有風掃
徑樹團成蓋原草綠如翦盈盈車馬客時來弄春醖
未有此莊時對酒無處飲今來莊上游卻恨酒杯緊

紫霞洞主歌五首

朝霞弄海色閃爍如金蛇回光照巖洞駕我青鸞車
雲洞窈窕行覓石髓食粃粃古苔上有書字不識
丹霞熨朝旭桂葉一何芾中有騎鶴人下上隨雲氣
朝餐赤城氣暮攬羅浮色常有瑤草花寒至不曾識

空同集卷三十三

八

石泉嫋長蘿煙翠滿山室忽聞空中音幽人弄瑤瑟

田園詩五首

暑日郊出頻野意差自適鴉雀間繁陰榴葵乃炎赤
初日暑力薄單車歷城曲隍颺卷蜻蜓苜帶舒復促
掘塹不數尺及泉水忽湧誰爲辦佳藕我今畜魚種
淤泥獲拳卵蛇龍誰卽分夜看置頓處似有五色雲
園荒蒿藿長手鋤薙其穢那解薊蔚區中有吐芳蕙

寄徐子二首

紫閣朝回夜金尊月映空祇應徐進士遙憶李郎中
東省堂前樹南陽宅裏花春風如往日夜月向誰家

贈何舍人

朝逢康王城暮送大隄口相對無一言含悽各分手
寄都主事穆

江草喚愁生思君黃鳥鳴遙心將夜月同滿闔閭城

送余客

自寄還家信聞人數月圓住看沙溪口終日問來船

送人

頗訝楓林赤無風葉自鳴來人與歸客同聽不同情

贈客

出郭江南望暮天雲北飛斷蓬寒更轉長路幾人歸

過夏口寄惲君

君居楚城裏我傍楚城過相思連夜發無奈是江波

空同集卷三十三

九

諸公石頭口舟餞

北巡察案合舟餞此江潯晚別隔煙浦猶聞橫吹音

寄黃子廣東

昨游梅嶺畔翹望嶺南雲恰屬梅黃日何由攀贈君

潯陽寄耿參政致仕

連年卑溼地無日不思歸況在潯陽見君帆獨北飛

送鄭生

桃花浪初起三月爾江南萬樹垂楊色相畱照暮酣

送人赴舉

寶劍動連星金鞍別馬鳴持將五色筆奪取錦標名

贈王左史二首

林臥每倦出時或一乘馬來訪王相國醉歸月明下
君家百寶酒雷連胡不飲花月我自來醉卽花間寢
贈劉東

泊濱三月時花滿扶亭道翩翩白馬歸青袍亂芳草
戲鄭生求歐帖看

徽州鄭季子動輒古人師昨特衝秋雨因來問墨碑
送酒鄭生

旅食沙林暮年華北鴈春誰憐竹葉餉同是采薇人
送王生北行二首

紫轡銀鞍馬青袍白面郎揚鞭萬里去謁帝入明光
朝散午門西春風起御隄上林花半發幾處早鶯啼

空同集卷三十三

十

觀袁永之樂府戲裁子夜歌二首寄之

爲問閭門柳年來青若何館娃明月夜醉擁越兒歌
日暖春波綠湖平一鏡天船船載歌舞爭向綠楊邊

詠李花

城東萬李樹此樹獨鮮奇竟日風開落無人誰得知

詠鷺

獨立娟娟鷺驚人離石磯遙看一片雪深映碧山飛

獲鹿

小鹿何山得出山今幾時笑爾深藏晚無言獵者知

饋鴈

失卻風雲翅來游君子門未辭弋客慕終荷主人恩

花鴨

花鴨靜雲衣娟娟春草依臨池振頸臥夢拂楚雲飛

鶯曉

曉曉夢中迷流鶯碧樹西起來紅日照已度別枝呢

詠螢

葉暗輝輝度孤明炯自知月臨光不掩星亂影須疑

名花

名花似美人娉婷代應絕夕陽時獨立風起滿林雪

炭簍盆架

以下獄中入物

編荆爲團籠本以貯木炭今匪用炭時聊以助吾盥

砂鍋盆

空同集卷三十三

十一

砂鍋注清泠洗面還洗心其器苟不潔徒稱玉與金

船板牀

船板胡狂茲而我寢其上情知非江湖夢寐亦風浪

瓢枕

盧生枕竅中哀樂竟何用我枕城瓢臥無竅亦無夢

蘆蓆几

古人席地坐飲食俱在茲今人設高几翻謂古人卑

坏墩

晨興坐茲談而亦坐茲食爲言同寓子尙念埴者力

麻繩梳

何以架我衣麻繩撐兩柱諒有解脫心與子同一處

葛衫帳

酷暑睡不穩解衫周四圍但阻蚊蟲入無遮明月輝

漁村夕照

以下瀟湘八景

西陽下洞庭網集清潭上一丈黃金鱗可見不可網

山寺晚鐘

美人杳何處盈盈隔秋水遙遙雲外鐘日落暮山紫

平沙落鴈

西風萬里鴈一葉洞庭秋羣浴金沙軟瀟湘霜氣流

江天暮雪

長江浪滾雪煙黑花爭飛可怪橫流者孤舟一笠歸

洞庭秋月

空同集卷三十三

十一

天水本自空圓月況秋映晶晶起霜色千里一懸鏡

瀟湘夜雨

夜響起秋竹浩浩楚雲白曉來看沙觜新水添一尺

遠浦歸帆

秋風五兩席點點聚復散不信小小烏飛飛速征鴈

山市晴嵐

峯晴堆夜嵐晨炊翠猶溼但聞山鳥鳴不見鳥出入

薜荔園

以下寄詠徐學士園亭

芳園薜荔水石非人間昔聞西洞庭今爲學士山

恩樂堂

肯堂欽古訓修祠報前功酌洞歌行潦采蘋遵召風

石假山

磊奇成我山雲氣遠裊裊勺水卽溟渤拳石是蓬島

水鑑樓

風吹池萍開天空水如鏡幽人時凭闌下看行雲影

風竹軒

吾軒自有竹暑月常寒聲山靜無風時滿林空翠生

蕉石亭

看石忽有詩攀蕉書其上夜來雨打葉驚聞金石響

觀耕臺

洞庭有興雲太湖無落波登臺問農者不勤將如何

薔薇洞

洞口薔薇密石花壓雲溼曉采枝上露不知鶴飛出

荷池

山風吹水香脫巾池上坐盈盈千歲龜飛上荷葉臥

柏屏

堂堂千尺材爲屏忍屈曲終抱凌雲情不改歲寒綠

雷月峯

峯奇自成竅似月非有心月來爾何意徘徊光與深

通冷橋

雨過崖水響石梁裊山澗晴天挂一虹溪斷雲不斷

花源

落英泛流水點點如飄霞爲有問津者不敢種桃花

釣磯

磯根浸寒水細草綠如髮夜魚不受餌石上坐秋月

雜言四首

三三七言

天秋暮月如素金窗隔煙紗花檻流螢度良人遠戍玉門西誰念空閨玉箸噓

四六八言

玉階風發蕙花時歌莎鷄夜鳴衰草捲簾獨望秋月黃雲沒萬里之關山使妾空老而凋紅顏

三五七言

望雲海陟高京秋風令百物天地何冥冥黃河岸頭能覆車何況羊腸詰曲行

空同集卷三十三

西

四六八言

明月在隅蟪蛄夜鳴仰觀天上列星三三五五成行憐慄悽兮不可以寐嗟哉四時之氣靡常

李空同詩集卷第三十三終

李空同詩集

諸家評論

何仲默云詩必以盛唐爲尙宋人似蒼老而實疏鹵元人似秀俊而實淺俗僕詩不免元習而空同諸作間入於宋譬之於樂絲竹之音要眇木革之音殺直若獨取殺直而并棄要眇之音何以感情飾聽也試觀江西以後之作辭艱者意反近意苦者辭反常讀之如搖鞞鐸耳

崔子鍾云空同慨然興復古之思自唐以後無師焉

顧華玉云獻吉詩卓爾不羣或失則稍矯枉之偏不得不然又云空同言作詩必須學杜詩至於杜如至員不

空同集附錄

能加規至方不能加矩矣此空同之過言也夫規矩方員之至故匠者皆用之杜亦在規矩中耳何得就以子美爲規矩邪

王子衡云獻吉游精於秦漢割正於六朝以柔澹爲上乘以沈著爲三昧以雄渾爲神樞以蘊藉爲堂奧會詮往古之典用成一家之言巨者日融小者星列長者江流闊者海受洋洋燿燿無所不極後有知言之選歎賞不暇尙安能爲之揚抑哉

徐子容云空同子詩眾體兼長渾厚沈著格高調古尤工七言古歌辭開闔縱橫人不能述者獨摹寫曲盡雄健可喜卽錯置杜甫高適歌行中莫能辨也

黃勉之云空同先生靈蛇早握天池獨運黃鍾特奏白雪孤揚主張風雅深詣堂室樂府古詩駁淫漢魏而覽眺諸篇偏類康樂近體歌行少陵太白往哲可凌後哲難繼明興以來一人而已

陳約之云弘治中文教大起學士輩出力振古風削盡凡調一變而爲杜則李何爲之倡
楊用脩云弘治間文明中天古學煥日藝苑則李懷麓張滄洲爲赤幟而和者多失於流易山林則陳白沙莊定山稱白眉而識者皆以爲旁門至李何二子一出變而學杜壯乎偉矣又云空同以復古鳴弘德間觀其樂府幽秀古豔有饒歌童謠之風其古詩緣情綺靡有徐

空同集 附錄

二

庾顏謝之韻而人但稱其律詩予謂空同之可傳者不在律空同之律少陵之餘瀝遺肺耳

任少海云獻吉詩如媧皇鍊石補天奔走百靈雷電日月星辰悉躔鑪冶

徐子元云本朝詩莫盛國初莫衰宣正至弘治中西涯倡之空同大復繼之自是作者森起雖格調不同於今爲烈又云空同崧高之秀上薄青冥龍門之派一瀉千里

穆敬甫云李詩雄奇高古律法嚴整貫少陵之壘而拔其赤幟

邵弘齋云國初詩是元如楊鐵厓解大紳成化間是宋

如陳白沙莊定山至弘德來駸駸乎盛唐矣如何大復
李空同

皇甫子循云薛君采詩俊逸真憐何大復麤豪不解李
空同夫大復未足於俊逸空同不全於麤豪也

王允寧云空同有神交無方之用有精純不雜之體縱
橫奇正不一其裁粹美同也珩琚璜璫弗一其形溫柔
同也至倒插頓挫之法自少陵善用之後空同一人而
已學者未覩其大漫肆詆醜以空同掠古市美比之剽
掠嗟乎空同賦才神解能自作古假令與李杜二豪並
生當代不爲李則爲杜矣

徐伯臣云獻吉力持氣格濟以葩豔可謂雅道中興惜
空同集附錄

其和平之氣未舒悲涼之情太勝

袁永之云獻吉發憤慧業埽蕩陳言吐詞則振羽沈宮
宣藻則日光玉潔維時徐生虎視於荆吳邊丞蛟躍於
齊魯何子揚瀾於河洛而君騰踔蹂躪總統包容所謂
無可無不可者也

周允大云獻吉仲默一代絕倡邈焉寡儔

莫子良云近世譚藝之士獨稱空同大復二家至曰廣
長數千里上下數千年始得二人其見慕如此豈不以
二子詩遠追蹤於少陵視三百篇指義特近哉

何元朗云楊東里李西涯詩猶沿元人之習至空同出
遂極力振起之仲默廷實昌穀諸人相與附和而古風

徧域中矣

王元美云李獻吉如金翅擘天神龍戲海又如韓信用兵多寡如意排蕩莫測又云獻吉才氣高雄風骨適利天授既奇師法復古手闢草昧爲一代詞人之冠要其所詣亦可略陳騷賦上擬屈宋下及六朝根委有餘精思未及擬樂府自魏而後有偏眞者然不如自運滔滔莽莽選體建安以至李杜無所不有第比謝監未是初日芙蓉僅作顏光祿耳七言歌行縱橫如意開闔有法最爲合作五律及五七言絕時詣妙境七言律雄渾豪麗深於少陵抵掌捧心不能厭服眾志又云成弘之際頗有俊民稍見一斑號爲巨擘然轍不及古中道便止

空同集 附錄

四

搜不入深遇境隨就北地矯之信陽嗣起昌穀上翼廷實下毗敦古昉自建安揆華止於三謝長歌取裁李杜近體繼軌開元一掃叔季之風遂窺正始之塗天地再闢日月爲朗詎不美哉又云國朝習杜數家華容孫宜得杜肉臨清謝榛得杜貌華州王維楨得杜一支閩中鄭善夫得杜骨就其所得亦近似耳惟夢陽具體而微又云涵洪并纖與亭毒竝吾推獻吉然不能諱其渫

吳明卿云空同詩縱橫跌宕搖五岳而凌滄洲

胡元瑞云李獻吉手擘盛唐之派可謂達磨西來獨闢禪教又如曹溪卓錫萬眾皈依

陸羽吉云成弘以降北地信陽諸君子出執牛耳以凌

厲詩壇宇內譚藝之士率嚮往之然蒼素質繇音亂
雅揣摹攫攘剽襲其近似者以爲名往往炫色澤而乏
神理程之於古無當也

黃清甫云昔陳思總東京之闕謝客振江表之衰子昂
變陳隋之靡今李公夢陽湔宋元之陋斯文肇起實由
於茲厥功邈矣其詩專意上摹誓遵故轍斷自漢魏迄
於少陵少陵以下薄不經目故能近謝靡曼遠標適舉
一篇一詠咸有所屬無論堂室直將竝驅英雄之氣矯
然千仞之上如時來屠沽奮迹往英雄傷斗然一峯上
不信萬山開中宵見海日南斗豁天門斯竝純任骨力
振絕鉛華故能獨挽頽波屹爲文柱故常之才難與慮

始

空同集 附錄

五

王百穀云明興以來作者絕少逮乎正統以後則益猥
弱雕瑣無足采觀李君崛起關隴蛟騰虎視力挽七朝
之廢古必漢魏律必盛唐一時海岳英靈之士翕然趨
之風雅之學亦遂復振吾獨惜其調高而意直才大而
情疏體正而意庸力有餘而巧不足也何則矯枉太過
和平不及摹仿刻深淘鎔未暇此猶戰國嬴秦之後繼
以炎劉方其持寶鏑斬白蛇除煩章削苛政其功非不
快也然問其詩書則陸生爾矣禮樂則叔孫通爾矣此
李君之詩撥亂反正之力多粉飾太平之事少所謂可
與創造難與守成者也

馮元成云空同雄渾悲壯深於少陵宇宙間異色絕然
孫文融云空同格律雄渾真無可疵其古詩更高絕近
代罕兩

馮開之云空同深嗜而冥契者杜陵故得其神理而面
目隨之

江進之云空同于鱗世謂其有復古之力然二公固有
復古之力亦有泥古之病彼謂文非秦漢不讀詩非漢
魏六朝盛唐不看故事凡出漢以下者皆不宜引用噫
何其所見之隘也夫詩人所引之物皆在目前各因其
時不相假借如雉鳴螽斯桑扈蟋蟀樛木天桃芣苢葛
藟是三百篇所用之物也降而爲離騷則用芷蕙荃蒨

空同集 附錄

六

木蘭菊英蛟龍鳳皇文虬赤螭曾有一物假借於毛詩
乎又降而爲唐人之詩則用江梅岸柳澗草林花乳燕
鳴鳩羣鴉獨鶴曾有一物假借於離騷乎非不欲假目
到意隨意到筆隨自不暇舍見在者而他求耳至於引
用故事則凡已往之事與我意思互相發明者皆可引
用不分今古不論久近乃曰漢以上故事方用此特有
見於漢家故事字眼古雅遂爲此言其實繫用之善不
善非繫於古不古也

陳臥子云獻吉志意高邁才氣沈雄有籠罩羣俊之懷
其詩漢魏以至開元各體見長然崢嶸清壯不掩本色
其原蓋出於秦風

曹潔躬云獻吉雖產於秦其父正教授封丘遂徙家大梁故登科錄直書河南扶溝人居於康王城葬於大陽山麓然則李何皆中州人矣李王後起以中原二子自居王稱李云人龍自起中原臥李稱王云高臥中原堪有客又云足知上國羣公疏猶作中原二子看蓋隱然自比於李何也

孫豹人云先生五言古詩本於陸謝句中皆有筋骨七古能以紀事兼諷議誦之風颯烈烈五律意象俱妙七律高亮閒入於宋絕句信手拈來調絕今古

俞右吉云獻吉五言古詩康樂以後一人七言近體少陵以後一人七言絕句太白以後一人惟五言近體少

空同集 附錄

七

遜前賢頗有才多之恨然如江從樹裏斷山入雨中無隴樹迷關道吳山蔽驛樓揚鞭指河洛立馬說周秦楚越窗中地江山戰後容風雲餘霸氣吳楚混前朝塞口孤城斷峯腰細澗分林疏山盡出風順櫓齊開暮雨津城樹春帆水國樓江山百戰後登眺兩人初爽氣固殊倫也

朱錫鬯云成弘間詩道傍落雜而多端臺閣諸公白草黃茅紛蕪靡蔓其可披沙而揀金者李文正楊文襄也理學諸公擊壤打油筋斗樣子其可識曲而聽真者陳白沙也北地一呼豪傑四應信陽角之迪功犄之律以高廷禮詩品浚川華泉東橋等爲之羽翼夢澤西原等

爲之接武正變則有少谷太初傍流則有子畏霞蔚雲
蒸忽焉丕變嗚呼盛哉獻吉五古源本陳王謝客初不
以杜爲師所云杜體者乃其摹仿之作中多生吞語偶
附集中非得意詩也至效盧駱張王諸體特游戲耳惟
七古及近體專仿少陵七絕則學供奉蓋多師以爲師
者其謂唐以後書不必讀唐以後事不必使此英雄欺
人之言如江湖陸務觀司馬今年相宋朝秦相何緣怨
岳飛等句非唐以後事乎

